

萬載縣志卷十一

風俗

士習黃庭堅道院賦序云士夫秀而文阮閱無訟堂記云士力學而知廉恥張栻記云士人好恬靜勵廉隅終歲不至長吏之庭遺韻流風歷久弗替近更揣摩風尚詩學字學其道並進蓋

雅化旁流涵濡日久非獨山高水清之故也向時儲材擢秀城坊居多今鄉落人文亦漸蔚起故科名較盛

民風舊志云崇樸素勤稼穡市鮮游俠鄉無惰民頗稱風俗之美又沐

萬載縣志

卷十一 風俗

聖朝重熙累洽良有司董勸有方野安耕鑿戶樂輸將誠虞集所謂性多愿確易與爲善者也

農事燈節後香楮花爆擇吉犁田名起春工平衍之田兩次犁耜高燥者三之穀有占糯二種占又有早晚二種占兩獲糯宜下溼止一獲故糯少收穫後播種芸薑萊葎等菜爲來春糞田用或取子榨油若藷豆雜糧多種於山或旱田難蒔晚禾亦種雜糧耕人田者曰佃授田人耕者曰東按田定租按租定穩租錢田價日昂租與錢稍增亦有祖父百餘年授耕之田未升租與錢者計田以把或以種蓋指蒔秧及浸種之多少言也大約二十五把爲一畝一畝爲種七升半

女工專以縫紉績麻爲事姑率媳母攜女篝燈合作每至宵分
間纛野繭紡木棉勞則善心生故閨閣清嚴內外整肅不覲
客面卽至戚來往亦有不出門不踰閥之意近此風漸衰然
士夫家猶斤斤有禮法

工役公私興作皆取民間之匠役之而償其值萬邑僻在山谷
百工不皆全而日用所資亦無缺木石鐵錫皮漆銀銅泥瓦
陶篋及設色之工并剃頭皆謂之匠外有受人雇值供耕作
及薪水眷爨諸役任一年事者日長工一月日月工一日日
零工往時士夫家多購僕隸弁爲之婚娶長子孫世服其役
今則此風漸少供書館役者謂之火頭

萬載縣志

卷十一 風俗

二

商賈舊志云地居上游溪流濶窄陂灘鱗次巨艦不得入所懋
遷者惟二三小販近日街市喧填貨物湊集又擁貲走數千
里外江浙川廣往返尤多其土產之利則以夏布茶油表心
紙爲最重然諾通有無闡闔中亦有士君子之行者

飲食糯米釀爲水酒清明及冬至釀者尤勝醇醲者不亞紹興
燒酒用占穀釀味特惡茶用大葉皆崇鄉及宜春產崇鄉香
味較佳價亦倍之比乃競尙武彝僅得下品慕虛名耳燕客
舊率從簡遇慶事姻黨畢集近日用海菜而舊姻盡疏矣

衣服舊志云士夫子弟衣冠樸素惟二三游民色服華舄作游
冶態甚至胥吏輿皂之類相慕成風幾於等威無辨其弊今

未盡革而士大夫家因分致飾不華靡亦不寒陋庶幾文質中度焉

冠婚冠禮久不行而婚禮則重憑親串作媒論閱通生庚卜吉取壻鞋樣至女子十歲之期以釵串金幣行聘互致庚書謂之接親合婚在十歲外則隨時行聘娶前二日請媒宴男賓次日具綵輿迎娶導以鼓吹厥明壻親迎婦家宴之謂之陪姐夫新婦至豫請女賓之齊眉多福者扶婦出輿謂之接轎是日宴女賓有送親者盛筵以款謂之陪上親送親俱用男新婦入房後多福者復扶婦上堂同夫拜天地祖宗父母舅姑及諸長輩謂之拜茶饗婦設筵於廳扶婦當棟坐謂之

坐棟晚宴男賓然花燭於堂賓前致詞曰讚燭移燭入房揖戰歡飲新婦奉茶肅客乃罷謂之打新房舊志謂婚恥索聘此風猶存至匱具則糜費已甚始而富家稍炫其粧繼而迭出求勝漸至貧窶效尤典賣以從此則侈靡之宜變者也又有童養媳聘金匱具皆省而爲之姑者或輕視虐使可慨也喪禮始沒慎衣衾擇吉而斂擗踊哭泣日夜守柩旁三時上食金鼓羅拜將葬訃親友開堂設奠主人裂白布酬賓酒席尚豐腆亦不儉其親之意也士夫家少延僧道餘則競尚齋醮聲容旣類歌舞懺悔亦涉誣親積習成風曾莫之怪至舊志稱惑溺風水久停不葬近則奠畢引發隨時安厝有異前所

云者

祭禮各族建大祠近日支祠愈多歲時會聚統於所尊清明節子姓衣冠集祠相率祭墓而冬至之祭尤重前期三日張燈陳器用鼓吹滌蕩之祭之前日豫習其儀日習儀於五鼓行祀禮日正祭主以族之宦達或族長其升降獻酬之節率以朱子家禮爲準祭畢布席而餽蓋尊祖敬宗收族之誼胥於是乎在

祈禳鬼神之說自古有之而信巫者遇病輒延驅祟有說和追魂禳星拜家書諸名色惟跳神爲最惡而鄉村競尚之又或生辰建醮冀以楮錢豫貯冥庫日做豫修皆可晒怪者

萬載縣志

卷十一 風俗

四

賽會縣城隍廟新正演戲十日至四月十八神誕先期月餘梨園紛集士民酬愿無虛日城坊各廟俱賽戲飲宴四月終乃罷其次莫如櫛樹潭八九月間歌舞賽神卽以通商餘如高城盧家洲率以五月周陂橋白水率以八月牟村潭埠則五月八月兼之又大畚口墟市亦在八月其或修建功竣必募貲戲醮名爲萬人緣此則不拘月數者也又有所謂陽戲心愿者提挈傀儡始爲神繼爲優各家有愿演之若夫按月節序如元旦之拜年元宵之張燈花朝之踏青清明之掛紙端午之競龍舟中元之焚楮錢賞月以中秋登高以重九祭竈於小年守歲於除夕率與隣邑無甚異